



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Martini Bonacinæ Vtrivsque Signatvræ Referendarii  
Compendium Omnim Operum de Theologia Morali,  
omnibusque conscientiæ nodis**

**Bonacina, Martino**

**Coloniæ Agrippinæ**

Decalogi I. præceptum.

**urn:nbn:de:hbz:466:1-41152**

Primum præceptum: Ego sum Dominus Deus tuus, &c.

1. Adoratio est exhibitiæ reverentiæ propter excellentiam illius, cui exhibetur. Adoratio alia est interna, alia externa Item alia latræ, quæ debetur Deo; alia hyperdulæ, quæ debetur B. Virgini; & alia dulæ, quæ debetur Sanctis. Denique alia est absoluta, quæ convenit rei intellectuali, quæ per se honorabilis & adorabilis est; & alia respectiva, quæ convenit rebus ratione carentibus, quæ non propter se, sed propter alium honorantur. *tom. 2. circa primum Decalogi præceptum, disp. 3. quaest. 1. punct. 1. n. 1. & 4.*

2. Una persona sanctissimæ Trinitatis potest distinctè ab aliis personis adorari; modo alia personæ explicitè non excludantur. *ib. n. 5.*

3. Sancti in ecclis degentes adorandi sunt; imò etiam viri sancti, licet nondum relatis in numerum Sanctorum, coli & adorari possunt cultu privato; sed non publico. *ib. punct. 2. n. 1. & 2.*

4. Christus homo, id est subsistens in natura humana & divina, adorandus est adoratione latræ, qua adoratur sanctissima Trinitas, & singulæ personæ sanctissimæ Trinitatis: at humanitas illius per se & præcisa persona Verbi divini, adoranda est adoratione hyperdulæ. Dum autem colimus Christum, adoramus naturam humanam ut assumptam à Verbo divino, eique ineffabili unionis vinculo adnexam. *ib. n. 5. & seq.*

5. Eucharistiæ sacramentum absolute potest adorari; & si caro aut sanguis Christi miraculosè appareat in Eucharistia, adorandus est similiter cultu latræ. *ib. n. 8.*

6. Usus sacrarum imaginum licitus est & honestus; permittendaque sunt imagines Dei & Angelorum, (licet non sint corporei, sed puri spiritus;) eos per quamdam metaphoram repræsentantes, quia Deus aliquando apparuit sub forma sensibili: imò adorari potest ipsam etiam imago, sed adoratione tantum respectiva, id est propter excellentiam illius, cuius est imago. *ib. punct. 3. n. 1. & seq.*

7. Potestne imago & exemplar adorari, una & eadem adoratione qua prototypum, e.g. potestne crux Christi adorari adoratione latræ, qua Christus ipse adoratur? Potest, quia imago cum exemplari, & exemplar in imagine ado-

adoratur: nam volens Christum adorare osculando, v. g. p.  
sus crucem, apprehendit Christum ac si existeret in cruce  
consequenter apprehendit crucem & Christum per modum  
unius; & uno adorationis motu per se primò tendit in Christum,  
in imaginem vero & in cruem concomitanter, &  
propter Christum. *Ib. n. 4.*

8. Lignum crucis Christi & alia instrumenta passionis  
quæ Christum tegerunt, adorantur adoratione latræ, se-  
respectiva: at instrumenta quæ modo conficiuntur ad repræ-  
sentanda illa instrumenta, quæ in Christi passione adhibiti  
sunt, non possunt adorari præcisè quatenus repræsentant  
instrumenta antiqua; sed quatenus connotant Christi passio-  
nem, seu Christum passum. *Ib. n. 6. & seq.*

9. Adoranda sunt quoque nomina sacra Jesus, Maria,  
&c. adoratione respectiva, propter eum quem repræsentant,  
& ad quem diriguntur *Ib. n. 9.* Item

10. Reliquiæ adorandæ sunt, & devotè custodienda; ei-  
demque adoratio tribui potest illis, quæ tribuitur personæ  
cujus sunt reliquiæ. Per reliquias autem intellige corpora  
osse, cineres, vestes, pannos, &c. quæ Sanctorum corpora, vel  
reliquias attigerunt. Adverte tamen reliquias, quæ publicè  
exponuntur, non esse adorandas absolute, nisi postquam fu-  
tint approbatæ per Papam, vel Episcopum. Imò posita ap-  
probacione Papæ, vel Episcopi, corpora quæ in uno loco  
existunt, absolute adorari possunt, etiam aliis dicentibus esse  
in alio loco. *Ib. punct. 4. n. 1. & seq.*

11. Prætereà licitum est accendere cereos ad reliquias vel  
imagines Sanctorum, sicut & etiam reliquias ad collum ap-  
pensas deferre; neque speciale peccatum committitur ab eo  
qui delinquit dum reliquias ad collum defert; secus dicen-  
dum de eo qui eas surriperet; talis enim peccaret mortaliter  
peccato sacrilegii, & furti. *Ib. n. 7. & seq.*

12. Coli similiter & adorari possunt cum Deo ut ipsius  
mago, agni cerei, at vendi, aut minio, auro, aliòve colore  
pingi, sub excommunicatione prohibentur; sicut & etiam  
laicis tangi: quamquam non peccant mortaliter, qui eos at-  
tingunt sine contemptu. *Ib. n. 11. & seq.*

### ADDITIO.

Tria priora prima tabula præcepta divinum honorem  
im-

immediatè, septem reliqua secundæ tabulae proximi utilitatem respiciunt.

Quidquid est contra aliquod ex his, lethale crimen est; nisi excusat levitate materiæ, vel defectu deliberationis, vel defectu pleni usus rationis.

In primo præcepto latria, sive Dei adoratio præcipitur, in qua tres actus sunt Primus est, intellectus, quo Dei summam excellentiam cognoscimus. Secundus, voluntatis, quo nos Deo subjicimus. Tertius est, adorationis effectus, qua nostram subjectionem patefacimus. Actus primus est fidei, & supponitur; secundus est vera adoratio, quæ præcipitur; similiter & tertius hunc exprimens, uterque ad religionem pertinet. Invocatio, laus, honor Dei, aliaque ad religionem spectantia eodem includuntur præcepto.

Huic præcepto etiam adversatur Astrologia judiciaria, quæ à Sixto V. damnata est, ejusque professores fidei censoribus subjecti sunt Petr. Nav lib. 2. c. 2. de rect. à nn. 25. disputans, an astrologi astrorum scientia humanos actus liberos cognoscere queant, tres sententias proponit, negantem, affirmantem, & medium, (quam & ipse tuetur) docentem, posse cognosci actus liberos in communi fallibiliter, & contingenter; non tamen omnes, sed illos, in quos homo à natura propendet, perspecta tamen ejus nativitate, & propensione.

An autem Astrologus tenetur restituere, quod hac arte lucratus est. docet idem à n. 112. l. 2.

De sortibus legatur Mart. Delrio lib. 4. c. 4. mag. disquis.  
Petr. Greg. Tholos. lib. 34. c. 5. Syntagm.

Secundum præceptum: Non assumes nomen Domini  
Dei tui in vanum.

Vide v. *Adjuratio, Iuramentum, Votum.*

Tertium Decalogi præceptum: Memento ut diem  
Sabbati sanctifices.

13. Sabbatum significat requiem seu cessationem, eò quod Deus die septimo requieverit. Ecclesia diem Dominicam illius loco benè constituit, in memoriam & signum illius diei, quia Christus resurrexit; & ne videremur consentire cum Iudeis quoad eorum cæremonias: hinc patet observationem